

SIARAN MEDIA

Kuala Lumpur, 10 September 2021

Khazanah raih RM664.5 juta hasil penempatan saham CIMB Group

Hasil akan digunakan untuk pelaburan baharu, termasuk pelaburan bawah Dana Impak

Khazanah Nasional Berhad (“Khazanah”) ingin mengumumkan bahawa ia telah berjaya memuktamadkan penempatan 138.4 juta saham (kira-kira 1.4%) dalam CIMB Group Holdings Berhad (“CIMB”) pada harga RM4.80 sesaham, sekali gus meraih kira-kira RM664.5 juta. Harga penempatan mewakili 2.8% diskaun pada harga penutup pasaran RM4.94 yang dicatatkan pada 8 September 2021.

Urus niaga penempatan saham tersebut adalah sebahagian daripada usaha berterusan Khazanah untuk mengembang semula portfolionya serta mengitar semula pelaburannya ke dalam aset baharu di Malaysia dan di peringkat global, termasuk pelaburan baharu bawah Dana Impak. Sejar dengan objektif inisiatif Perkukuh Pelaburan Rakyat (“PERKUKUH”) yang digariskan oleh Kerajaan, Dana Impak bertujuan untuk memangkin bidang pertumbuhan baharu, membangun daya saing ekonomi Malaysia serta meningkatkan daya tahan sambil memacu hasil sosio-ekonomi utama negara.

Lanjutan daripada penempatan tersebut, Khazanah masih kekal sebagai pemegang saham tunggal terbesar dalam CIMB dengan pegangan 25.6%. Penempatan itu menyaksikan saham-saham tersebut diagihkan kepada beberapa dana berkaitan Kerajaan, pelabur institusi jangka panjang domestik dan asing, pemegang saham sedia ada serta beberapa dana lain.

CIMB dan Credit Suisse merupakan pengatur bersama urus niaga penempatan saham tersebut.

TAMAT

Untuk sebarang maklumat lanjut, sila hubungi Mohd Raslan Md Sharif di talian Tel +603 2034 0000, atau e-mel raslan.sharif@khazanah.com.my.

Tentang Khazanah Nasional Berhad

Khazanah Nasional Berhad (“Khazanah”) adalah dana kekayaan berdaulat Malaysia yang diamanahkan untuk melabur bagi menghasilkan nilai mampan bagi rakyat Malaysia, melalui objektif komersial dan strategi yang berbeza. Objektif komersial Khazanah adalah untuk membangunkan aset kewangan serta mempelbagaikan sumber pendapatan untuk negara. Objektif strategiknya pula adalah untuk memegang aset strategik yang membawa hasil ekonomi jangka panjang. Khazanah dipandu oleh falsafah pelaburannya yang menekankan kepada pencapaian pulangan kewangan yang disesuaikan dengan risiko, menghasilkan pulangan yang mampan serta mengintegrasikan pertimbangan pelaburan yang beretika dan bertanggungjawab. Untuk maklumat lanjut mengenai Khazanah, sila layari www.khazanah.com.my.